



UNDANG-UNDANG MALAYSIA

Akta A1547

**AKTA TABUNG ANGKATAN TENTERA
(PINDAAN) 2017**

Tarikh Perkenan Diraja 9 Oktober 2017

Tarikh penyiaran dalam *Warta* 17 Oktober 2017

Hakcipta Pencetak (H)

PERCETAKAN NASIONAL MALAYSIA BERHAD

Semua Hak Terpelihara. Tiada mana-mana bahagian jua daripada penerbitan ini boleh diterbitkan semula atau disimpan di dalam bentuk yang boleh diperolehi semula atau disiarkan dalam sebarang bentuk dengan apa jua cara elektronik, mekanikal, fotokopi, rakaman dan/atau sebaliknya tanpa mendapat izin daripada **Percetakan Nasional Malaysia Berhad (Pencetak kepada Kerajaan Malaysia yang dilantik)**.

UNDANG-UNDANG MALAYSIA

Akta A1547

AKTA TABUNG ANGKATAN TENTERA (PINDAAN) 2017

Suatu Akta untuk meminda Akta Tabung Angkatan Tentera 1973.

[]

DIPERBUAT oleh Parlimen Malaysia seperti yang berikut:

Tajuk ringkas dan permulaan kuat kuasa

1. (1) Akta ini bolehlah dinamakan Akta Tabung Angkatan Tentera (Pindaan) 2017.

(2) Akta ini mula berkuat kuasa pada tarikh yang ditetapkan oleh Menteri melalui pemberitahuan dalam *Warta*.

Pindaan seksyen 2

2. Akta Tabung Angkatan Tentera 1973 [*Akta 101*], yang disebut “Akta ibu” dalam Akta ini, dipinda dalam seksyen 2—

(a) dengan memotong takrif “skim itu”; dan

(b) dengan memasukkan selepas takrif “personel bersara” takrif yang berikut:

“skim anuiti veteran” ertinya skim yang ditubuhkan di bawah seksyen 15D bagi pembayaran anuiti;’.

Pindaan seksyen 3

3. Seksyen 3 Akta ibu dipinda—

(a) dalam perenggan (1)(a), dengan memasukkan selepas perkataan “(3)(a)” perkataan “, dan skim anuiti veteran bagi faedah orang yang dinyatakan di bawah perenggan (3)(aa)”;

(b) dalam subseksyen (2)—

(i) dengan menomborkan semula perenggan (bb) dan (bc) sedia ada masing-masing sebagai perenggan (bc) dan (bd);

(ii) dengan memasukkan selepas perenggan (ba) perenggan yang berikut:

“(bb) pembayaran anuiti menurut skim anuiti veteran;” dan

(iii) dalam perenggan (bd) yang dinomborkan semula, dengan menggantikan perkataan “perenggan (bb)” dengan perkataan “perenggan (bc)”;

(c) dalam subseksyen (3), dengan memasukkan selepas subperenggan (a)(iii) perenggan yang berikut:

“(aa) faedah di bawah skim anuiti veteran hendaklah diberikan kepada askar-lasykar yang disebut dalam perenggan 15D(1)(a) dan pegawai yang disebut dalam perenggan 15D(1)(b); dan”; dan

(d) dalam subseksyen (4), dengan menggantikan perkataan “(2)(bb) dan (bc)” dengan perkataan “(2)(bc) dan (bd)”.

Pindaan seksyen 9

4. Seksyen 9 Akta ibu dipinda dengan menggantikan subseksyen (3) dengan subseksyen yang berikut:

- “(3) Jika seseorang askar-lasykar berkelayakan untuk pencen—
- (a) potongan gajinya di bawah subseksyen (1) hendaklah terus dibuat sehingga dia diberhentikan daripada perkhidmatan dengan angkatan tetap Malaysia;
 - (b) pembayaran di bawah subseksyen (2) hendaklah terhenti daripada dibuat berkenaan dengan caruman yang dibuat di bawah perenggan (a); dan
 - (c) segala pembayaran yang telah dibuat di bawah subseksyen (2) yang masih ada pada kredit akaun askar-lasykar itu hendaklah dikeluarkan dan dikreditkan ke dalam Kumpulan Wang Disatukan.”.

Pindaan seksyen 9A

5. Seksyen 9A Akta ibu dipinda—

- (a) dalam subseksyen (3)—
- (i) dalam teks bahasa Inggeris, dengan menggantikan perkataan “not” dengan perkataan “neither”;
 - (ii) dengan memasukkan selepas perkataan “ganjaran tamat perkhidmatan” perkataan “dan juga tidak memilih untuk menyertai skim anuiti veteran”;
 - (iii) dalam perenggan (a), dengan memasukkan selepas koma bernoktah di hujung perenggan itu perkataan “dan”;
 - (iv) dalam perenggan (b), dengan menggantikan perkataan “; dan” di hujung perenggan itu dengan noktah; dan
 - (v) dengan memotong perenggan (c); dan

- (b) dengan memasukkan selepas subseksyen (3) subseksyen yang berikut:

“(3A) Seseorang pegawai yang mencarum di bawah subseksyen (1) yang telah menamatkan kurang daripada dua puluh tahun perkhidmatan dan tidak memilih untuk dibayar ganjaran tamat perkhidmatan tetapi memilih untuk menyertai skim anuiti veteran hendaklah, apabila genap tempoh perkhidmatannya, dibayar nilai carumannya kepada Tabung dan dividen bagi tempoh caruman itu, dan nilai caruman daripada Kumpulan Wang Disatukan yang direkodkan mengikut subseksyen (2) hendaklah dibayar ke dalam Tabung bagi kredit akaun pegawai itu.”.

Pindaan seksyen 11

6. Seksyen 11 Akta ibu dipinda dalam perenggan (2)(ba) dengan menggantikan perkataan “itu” di mana-mana jua terdapat dengan perkataan “yang ditubuhkan di bawah seksyen 15A”.

Pindaan seksyen 12

7. Seksyen 12 Akta ibu dipinda—

(a) dalam subseksyen (1), dengan menggantikan perkataan “subseksyen” dengan perkataan “subseksyen (1A) dan”; dan

(b) dengan memasukkan selepas subseksyen (1) subseksyen yang berikut:

“(1A) Jika pengeluaran di bawah perenggan (1)(b) atau (c) dibuat oleh seorang askar-lasykar yang disebut dalam perenggan 15D(1)(a) atau seorang pegawai yang disebut dalam perenggan 15D(1)(b)—

(a) pengeluaran itu hanya terpakai bagi—

(i) berkenaan dengan seorang askar-lasykar—

(A) carumannya kepada Tabung dan dividen bagi tempoh caruman itu; dan

- (B) dividen bagi pembayaran yang dibuat di bawah subseksyen 9(2) tetapi tidak termasuk dividen bagi tahun sebaik sebelum pemberhentian askar-lasykar itu daripada perkhidmatan dengan angkatan tetap Malaysia; atau
 - (ii) berkenaan dengan seorang pegawai, carumannya kepada Tabung dan dividen bagi tempoh caruman itu; dan
- (b) baki amaun yang ada pada kredit akaun askar-lasykar atau pegawai itu di bawah Akta ini hanya boleh dikeluarkan apabila askar-lasykar atau pegawai itu, mengikut mana-mana yang berkenaan, mati atau dalam hal keadaan yang diluluskan oleh Lembaga.”.

Seksyen baharu 15D

8. Akta ibu dipinda dengan memasukkan selepas seksyen 15c seksyen yang berikut:

“Penubuhan skim anuiti veteran

15D. (1) Suatu skim yang bernama skim anuiti veteran hendaklah ditubuhkan bagi pembayaran anuiti kepada—

(a) seorang askar-lasykar yang memenuhi syarat yang berikut:

(i) dia telah diberhentikan daripada perkhidmatan dengan angkatan tetap Malaysia kecuali atas alasan salah laku; dan

(ii) dia tidak berkelayakan untuk pencen; dan

(b) seorang pegawai yang memenuhi syarat yang berikut:

(i) dia telah menamatkan kurang daripada dua puluh tahun perkhidmatan dan tidak ditamatkan atas alasan salah laku;

- (ii) dia tidak memilih untuk dibayar ganjaran tamat perkhidmatan; dan
- (iii) dia telah memilih untuk menyertai skim anuiti veteran.

(2) Anuiti hendaklah dibayar secara bulanan mengikut apa-apa kuantum sebagaimana yang ditentukan oleh Lembaga daripada keuntungan tahunan yang diisytiharkan ke atas—

- (a) bayaran yang dikreditkan di bawah subseksyen 9(2) kepada akaun seorang askar-lasykar yang disebut dalam perenggan (1)(a); atau
- (b) nilai caruman daripada Kumpulan Wang Disatukan yang direkodkan mengikut subseksyen 9A(2) dan dibayar ke dalam Tabung bagi kredit akaun pegawai yang disebut dalam perenggan (1)(b).

(3) Pembayaran anuiti di bawah subseksyen (2) hendaklah terhenti daripada kena dibayar jika amaun yang disebut dalam perenggan (2)(a) atau (b), mengikut mana-mana yang berkenaan, dikeluarkan di bawah perenggan 12(1A)(b).

(4) Caruman bagi kredit seorang askar-lasykar yang disebut dalam perenggan (1)(a) dan seorang pegawai yang disebut dalam perenggan (1)(b) tidak boleh dikira bagi maksud seksyen 15c.”.

Pindaan seksyen 22

9. Seksyen 22 Akta ibu dipinda—

- (a) dengan menomborkan semula perenggan (aa) sedia ada sebagai perenggan (ab); dan
- (b) dengan memasukkan selepas perenggan (a) perenggan yang berikut:

“(aa) perkara yang berhubungan dengan pelaksanaan skim anuiti veteran termasuk cara pembayaran anuiti dan peruntukan bagi penamaan orang untuk menerima apa-apa amaun yang ada pada kredit akaun seseorang askar-lasykar atau seseorang pegawai dalam hal kematiannya;”.

Peruntukan kecualian

10. Akta ini tidak terpakai bagi askar-lasykar yang, pada tarikh Akta ini mula berkuat kuasa, masih berkhidmat dalam angkatan tetap Malaysia dan tidak memilih untuk menyertai skim anuiti veteran, dan peruntukan Akta ibu yang berkuat kuasa sebaik sebelum Akta ini mula berkuat kuasa hendaklah terpakai bagi askar-lasykar itu seolah-olah Akta ini tidak diperbuat.